

УЛСЫН ШИЛДЭГ ХОРШОО ШАЛГАРУУЛАХ ЖУРАМ

Нэг. Нийтлэг үндэслэл

1.1. Засгийн газрын 2019 оны 362 дугаар тогтоолоор батласан “Хоршоог хөгжүүлэх нийгмийн хэмжээний хөтөлбөр-III”-ийг хэрэгжүүлэн хоршоологчдын нийгэмд эзлэх байр суурь, нэр хүндийг өсгөх, хоршоодын үйл ажиллагааг олон нийтэд сурталчлах, хоршоолох хөдөлгөөнийг эрчимжүүлэх, дэмжлэг үзүүлэх үүднээс Улсын шилдэг хоршоог шалгаруулахад энэхүү журмыг мөрдөнө.

1.2. Хоршооны асуудал хариуцсан төрийн захиргааны төв байгууллага “Улсын шилдэг хоршоо”-г жил бүр шалгаруулж урамшуулна.

1.3. Улсын шилдэг хоршоог шалгаруулах ажиллагаа ил тод, нээлттэй, шударга байх зарчимд суурилна.

Хоёр. Шалгуур үзүүлэлт

2.1. “Олон Улсын Хоршооллын Холбооны Манчестрийн Их Хурлаас гаргасан 21-р зуунд Хоршооллын хөдөлгөөний баримтлах үндсэн 7 зарчмын (Хадгаламж зээлийн хоршооны хувьд 9 зарчим) хэрэгжилтийг хангаж, хоршооны тогтвортой хөгжлийг бүрдүүлж, амжилт гаргасан, дараах шалгуур үзүүлэлтийг бүрэн хангасан хоршоог “Улсын шилдэг хоршоо”-гоор шалгаруулахаар тодорхойлно:

2.1.1. Монгол улсын Хоршооны тухай хууль болон холбогдох хууль, эрх зүйн актыг мөрдсөн байх;

2.1.2. 5-аас доошгүй жил тогтвортой үйл ажиллагаа явуулсан байх;

2.1.3. Гишүүдийн тооны өсөлт жилд 30 хүртэл гишүүнтэй бол 10%, 30-ээс гишүүнтэй бол 5%-аас доошгүй байх;

2.1.4. Нийт активын өсөлт нь тухай жилийн инфляцийн түвшнээс багагүй байх;

2.1.5. Бүтээгдэхүүн, үйлчилгээ нь тоо болон чанарын хувьд өссөн байх;

2.1.6. “Сайн засаглал”-ын зарчмыг үйл ажиллагаандаа мөрдлөг болгодог байх;

2.1.7. Орон нутгийнхаа нийгмийн хөгжилд хувь нэмэр оруулдаг байхаас гадна сайн танигдсан брэнд бүтээгдэхүүн, үйлчилгээтэй байх;

2.1.8. Хоршооны үйл ажиллагаа нь тогтмолжиж, өөрийн түүхий эдийн хангалт, үйлдвэрлэлт, борлуулалтын тогтсон сүлжээтэй байх;

2.1.9. Хадгаламж зээлийн хоршоо нь Санхүүгийн зохицуулах хорооноос тогтоосон зохистой харьцааны шалгуур үзүүлэлтийг сүүлийн 3 улиралд ханган ажилласан байх;

2.1.10. Улсын болон бүсийн үзэсгэлэн, худалдаанд тогтмол амжилттай оролцсон байх;

2.1.11. Шинээр бий болж буй хоршоод болон бүлэг, иргэдийг хоршоо болоход нь дэмжлэг үзүүлэх, туршлага судлах, үзүүлэх сургалтуудыг зохион байгуулсан байх;

- 2.1.12. Санхүүгийн гол харьцаа үзүүлэлтүүдийг ханган ажилладаг байх;
- 2.1.13. Нягтлан бодох бүртгэлийн нэгдсэн стандарт мөрдөж ажилласан байх;
- 2.1.14. Холбогдох хууль, тогтоомжийн дагуу татвар, хураамжийг хугацаанд нь бүрэн төлсөн, хугацаа хэтэрсэн зээлгүй байх;
- 2.1.15. Хоршооны нэгдсэн үнэлгээнд хамрагдсан байх, үнэлгээнээс гарсан зөвлөмжийг үйл ажиллагаандаа хэрэгжүүлэн нэвтрүүлсэн байх;
- 2.2. Шилдэг хоршоо мөн болохыг орон нутгийн хоршооны асуудал хариуцсан төрийн захиргааны байгууллага, Монголын Хоршооллын үндэсний нэгдсэн холбоо болон мэргэжлийн холбоод, хадгаламж зээлийн хоршоог Санхүүгийн зохицуулах хороо баталгаажуулсан байна.

Гурав. Шалгаруулах ажиллагаа, шагнал олгох

- 3.1. Монголын хоршооллын үндэсний нэгдсэн холбоо ажлын үзүүлэлтээрээ “Улсын шилдэг хоршоо”-ны болзол ханган нэр дэвшиж буй хоршооны материалын бүрдүүлбэрийг шалгаруулалт хийх эрх бүхий байгууллагад хүргэх ажлыг хариуцан зохион байгуулна.
- 3.2. Улсын шилдэг хоршоог шалгаруулах саналыг Монголын хоршооллын үндэсний нэгдсэн холбооны хурлаас гаргаж, эрх бүхий байгууллагад жил бүрийн 6 дугаар сарын 15-ны дотор хүргүүлнэ.
- 3.3. Хоршооллын асуудал хариуцсан төрийн захиргааны төв байгууллага нь улсын шилдэг хоршооны материалыг хянан үзэж тав хүртэл хоршоог шалгаруулна.
- 3.4. Хоршоог “Улсын шилдэг хоршоо”-гоор зөвхөн нэг удаа шагнана.
- 3.5. Улсын шилдэг хоршоогоор шалгарсан хоршоонд “Улсын шилдэг хоршоо”-ны хүндэт өргөмжлөл, дурсгалын хаяг гардуулж, мөнгөн шагналыг дагалдуулна.
- 3.6. Шагналыг жил бүр Олон улсын эсхүл Үндэсний хоршооллын өдрийг тохиолдуулан Засгийн газрын төлөөлөгч гардуулж, олон нийтэд сурталчилна.

“УЛСЫН ШИЛДЭГ ХОРШОО”-НД ТОДОРХОЙЛЖ БАЙГАА
..... АЙМАГ (НИЙСЛЭЛ)-ИЙН
СУМ (ДҮҮРЭГ)-ЫН ХОРШООНЫ
ТОДОРХОЙЛОЛТ

Нэг. Хоршооны хөдөлгөөний баримтлах үндсэн 7 зарчмын биелэлт

1. Хоршооны нэр, үйл ажиллагааны чиглэл, байгуулагдсан он

.....
.....

2. Тодорхойлогдож байгаа Хоршооны засаглалын нэгж (Бүх гишүүдийн хурал, Тэргүүлэгч, Хяналтын зөвлөл, Гүйцэтгэх алба)-үүдийн үйл ажиллагааны жилийн тайлан:

.....

3. Бүх гишүүдийн хурал хийсэн эсэх, хэлэлцсэн асуудлууд

.....

4. Гишүүдийн тоо

.....

5. Ажлын байрны тоо (Нийт ажилчид болон улирлын гэрээт ажилчдын тоо)

.....

6. Хүний нөөцийн чадавхижуулалт (Хоршооны гишүүд, ажилчдын мэргэжил, ур чадвар, гишүүдэд сургалт зохион байгуулсан эсэх, явуулсан сургалтуудын сэдэв, бүсчилсэн сургалтуудад оролцсон эсэх, туршлага судалсан байдал, оролцогсдын тоо)

.....

7. Хоршооны үйл ажиллагаанд гишүүдийн оролцоог нэмэгдүүлэх, идэвхжүүлэх чиглэлээр зохион байгуулсан ажил, үйл ажиллагаа

.....

8. Гишүүнчлэлийн талаарх мэдээлэл (Аль холбооны гишүүн, хэдэн онд элссэн)

.....

9. Хоршооны хамтын ажиллагаа (Хоршоо болон аж ахуйн нэгжүүд (нөхөрлөл, компани) өрх бүл, бүлгүүдтэй хэрхэн хамтран ажилладаг тухай)

.....

10. Хоршооны тогтвортой хөгжлийн байдал

11. Хоршооны бүтээгдэхүүн, үйлчилгээний нэр төрөл, үйлдвэрлэсэн бүтээгдэхүүний тоо

12. Орон нутгийнхаа нийгмийн хөгжилд оруулсан хувь нэмэр

13. Орон нутгийн болон аймаг, нийслэлийн ямар байгууллагуудтай хамтран ажилладаг (Улсын болон бүсийн зөвлөгөөн, семинар, үзэсгэлэн яармаг)

Хоёр. Санхүүгийн үзүүлэлт (Сүүлийн 5 жилээр)

14. Нийт актив хөрөнгө (мян.төг)

15. Хоршоонд хэдэн гишүүн хэдээс хэдэн төгрөгийн хөрөнгө хувь нийлүүлсэн (мян.төг)

16. Нөөцийн санд хуваарилсан хөрөнгөө нэмэгдүүлсэн байдал (мян. төг)

17. Хоршооны бүтээгдэхүүн борлуулалт

18. Гишүүддээ хуваарилсан ногдол орлого /мян.төг/

Гурав. Шагнал урамшуулал

16. Аймаг, нийслэл, дүүргийн тэргүүний хоршоогоор буюу аж ахуйн нэгжээр, улсын болон бүсийн, аймаг, нийслэлийн үзэсгэлэнд оролцож хэдэн онд шалгарч байсан.

17. Хоршооны бүтээгдэхүүн, үйл ажиллагааны зурган танилцуулга DVD, CD дээр бичсэн видео.